

骆宾王集

中国书店



骆
宾
王
集

中国书店影印

据上海文瑞楼本影印

2045/16

骆宾王集

中国书店出版

新华书店首都发行所发行 通县红旗印刷厂印刷

*

787×1092 1/32 印张：4.25

1988年2月第1版 1988年2月第1次印刷

印数：0 001—3 000

定价：0.90 元

駱賓王文集序

魯國郝雲卿

駱賓王婺州義烏人也年七歲能屬文高宗朝與盧照鄰楊炯王勃文詞齊名
海內稱焉號為四傑亦云盧駱楊王四才子仕至侍御史後以天后即位頻貢
章疏諷諫因斯得罪貶授臨海丞文明中與嗣業於廣陵共謀起義兵事既不
捷因致逃遁遂致文集悉散失後中宗朝降勅搜訪賓王詩筆令雲卿集焉
所載者即當時之遺漏凡十卷此集並是家藏者亦足傳諸好事

駱賓王文集目錄

駱賓王

附唐書王勃傳不載字又藝文志亦闕

第一卷

賦頌

螢火賦

蕩子從軍賦

靈泉頌

第二卷

詩

遊德州贈高四

紫雲觀贈道士

贈宋五之問

浮查

在獄詠蟬

艷情代郭氏答盧照鄰

代女道士王靈妃贈道士李榮

第三卷

詩

春霽早行

秋日山行

晚渡天山

晚泊河曲

晚泊蒲類

晚渡黃河

早發淮口

渡瓜步派

遠使春夜多懷

晚泊江鎮

早發諸暨

途中有懷

晚憩田家

宿山莊

出石門

至分陝

至分水戍

過張平子墓

北眺春陵

望鄉夕泛

久客臨海有懷

逢孔君

西京守歲

海曲書情

行軍行路難

邊城落日

蓬萊鎮

在軍登城樓

宿溫城望軍營

白雲抱幽石

秋日卧病

題七級

春雲處處生

早秋出塞

鄭安陽入蜀

第四卷

詩

軍中贈知己

酬思方上人林泉四首

憶張二

和李明府

望月有所思

對雪憶謝二

送陳文林

送鄭少府入遼

送費六還蜀

別侯四

送尹大赴京

送閻五

送吳七遊蜀

送王明府上京

秋日送別

易水送人

別詳正學士

別李嶠得勝

錢宋五

遊開道林故山

遊靈公觀

夏日遊山家

春日遊陀山寺

冬日野望

夏日遊目

曉初登樓思京

登司馬樓宴

初於六宅宴

韋明府宅宴

冬日宴

鏤鷄子

詠雲酒

詠美人

夕次舊吳

過故宋

第五卷

詩

傷祝阿王明府

詠懷古意

詠懷

邊夜有懷

邊城懷京邑

幽繫書情

寒夜獨坐

憲臺出繫有懷

月夜有懷

叙寄負半千

憶蜀地佳人

送郭少府

餞駱四

宋五之問

過任處士書齋

塵灰

秋晨同詠

秋雲

秋蟬

秋露

秋月

秋水

秋螢

秋菊

秋鴈

詠照

挑燈杖

詠水

詠鴈

詠雪

詠塵

掉歌行

王昭君

翫初月

詠鵝

第六卷

表啓

請陪封禪表

和道士閨情詩啟

上帝京篇啓

上太常伯啓

上李少常啓

上兗州啓

上崔長史啓

上張司馬啓

第七卷

啓書

上廉使啓

上韋明府啓

上郭贊府啓

上梁明府啓

上裴侍郎書

與程將軍書

荅貞半十書

與博昌父老書

與親情書

第八卷

雜著

李長史宅宴序

王司馬樓宴序

晉王導筵序

楚國寺宴序

齊太尉宅宴序

饒宋三之豐城詩序

送閻五序

饒尹大往京序

饒陸道士序

送益府參軍序

饒麴錄事序

饒李八詩序

看競渡序

與群公宴序

對策文三道

第九卷

雜著

帝京篇

疇昔篇

破逆賊露布

破設蒙儉露布

第十卷

雜著

代李敬業檄

應詰

自叙狀

祭趙郎將文

樂大夫挽歌五首

丹陽刺史挽歌三首

駱廋

集目錄畢

駱賓王文集卷第一

賦頌

螢火賦

蕩子從軍賦

靈泉頌

螢火賦

余猥以明時久遭幽摯見一葉之已落知四運之將終懷然客之為心乎悲哉
秋之為氣也先陰無幾時事如何大塊是勞生之機小智非周身之防嗟乎鯨
袍匪舊白首如新誰明公治之非孰辨臧倉之愬是用中宵而作達旦不瞑觀
茲流螢之自明哀此覆盆之難照夫類同而心異者龍蹲歸而宋樹伐質殊而
聲合者魚形出而吳石鳴苟有會於精靈夫何患於異類況乘時而變含氣而
生雖造化之不殊亦昆蟲之一物應節不憊信也與物不覺仁也逢昏不昧智
也避日不明義也臨危不懼勇也事有公情而動興因物而多懷感而賦之聊
以自廣云耳

伊方功之播氣有丹鳥之賦象順陰陽而亭毒資變化而含養每寒潛而暑至

若知來而藏往既發揮以外融亦含光而內朗若夫小暑南收大火西流林塘改夏雲物迎秋忽凌虛而赴遠乍排叢而出幽均火齊之宵映如夜光之暗投逝將歸而未返忽欲去而中留人槐榆而焰發若改燧而中環周繞堂皇而影泛疑東燭以嬉遊點綴懸珠之網隱映落星之樓乍滅乍興或聚或散居無定所習無常翫曳影周流飄光凌亂泛豔乎池沼徘徊乎林岸狀火井之沉熒似明珠之出漢值衝颼之不烈逢淫雨而逾煥炤灼兮若湛盧之夜飛的皪兮像招搖之夕爛與庭燎而相炳然重陰於已昏共燭火而齊息避太陽於始旦爾其光不周物明足自資偶仙鼠而同夜對飛蛾之赴嬉類君子之有道入暗室而不欺同至人之無迹懷明義以應時處幽不昧居照斯晦隨隱顯而動息候昏明而進退委性命兮幽方任物理兮推遷化腐木而含彩集枯草而藏煙不貪熱以苟進每和光而曲全豈如鎔金而自爍寧學膏火之相煎陋蟬蛸之習蛻怵螻蟻之慕羶匪傷蜉蝣之夕不羨龜鶴之年搶榆飛而控地搏扶起而垂天雖小大之殊品豈逍遙之異筌夫何化之斯化無使然而自然若乃有來斯通無往不至排朱門而獨遠昇青雲而自致匪偷光於鄰壁寧假輝於陽燧終

徇已以致能靡因人而成事物有感而情動迹或均而心異響必應之於同聲
道固求之於同類始未明於趨捨庸詎識其指意子尚不知魚之為樂吾又安
能知螢之為利高明兮有融遷變兮無窮牛哀倏而化虎羽泉忽兮生熊血三
年而藏碧魂一變而成虹知戰場之有憐愍冤獄之為蟲彼翻飛之質弱尚矯
翼之凌空何微生之多蹟獨宛頸以觸籠異壁光之照廡同劍影之埋疊覩道
迷而可復庶幽鑒而或通覽光華而自照顧形影以相弔感秋夕以殷憂難宵
行以熠耀熠耀飛兮絕復連殷憂積兮明且煎見流光之不息愴驚魂之屢遷
如過隙之已來同奔電兮忽焉儻餘光之可照庶寒灰之重然

蕩子從軍賦

胡兵十萬起妖氣漢騎三千掃陣雲隱隱地中鳴戰鼓迢迢天上出將軍邊沙
遠雜風塵氣塞草長萎霜露文蕩子辛苦十年行回首關山萬里情遠天橫劍
氣邊地聚笳聲鐵騎朝常警銅焦夜不鳴抗左賢而列陣比右校以疏營滄波
積凍連蒲海雨雪凝寒遍柳城若乃地分少微路指青波邊城暖氣從來少關
塞寒雲本自多嚴風慄慄將軍樹苦霧蒼蒼太史河旣拔距而從軍且揚麾而

挑戰征旆凌沙漠戎衣犯霜霰樓舡一舉爭沸騰烽火四連相隱見戈文耿耿
懸落星馬足駸駸擁飛電終取俊而先鳴豈論功而後殿征夫行樂踐榆溪倡
婦銜怨坐空閨靡蕪舊曲終難贈芍藥新詩豈易題池前怯對鴛鴦伴庭際羞
看桃李蹊花有情而獨笑鳥無情而恒啼蕩子別來年月久賤妾空閨更難守
鳳凰樓上罷吹簫鸚鵡杯中臨勸酒聞道書來一鴈飛此時緘怨下鳴機裁鴛
帖夜被薰麝染春衣屏風宛轉蓮花帳窗月玲瓏翡翠帷箇日新粧如復罷祇
應含笑待君歸

靈泉頌

聞夫玄功幽贊靈心以有德是親至道冥符篤行以通仁為本若乃天經地義
色養叶於因心夏清冬溫愛敬弘於錫類下逮六幽之奧上洞三光之精不有
至誠孰云斯感有廣平宋思禮字過庭皇朝永州刺史昉之嫡孫戶部外員順
之長子幼丁徧罰早喪慈親永懷鞠養之恩長增思慕之痛弱不好弄長而能
賢超庭聞詩禮之風承宗勛曾閔之行事後母徐以至孝聞北面與悲泣高堂
而咎己東遊下位歡微祿以逮親調露二年來佐百里俯就微班之列將申返